



UNIVERSITÄTS-
BIBLIOTHEK
PADERBORN

**D. DIONYSII || CARTHVSIANI, DE || DOCTRINA ET REGV-||lis
vitae Christianæ**

Dionysius <der Kartäuser>

Coloniae, 1577

VD16 D 1959

De vanitate mundi & exemplari inductione ad hoc secundum Hugonem 31.

[urn:nbn:de:hbz:466:1-60177](https://nbn-resolving.org/urn:nbn:de:hbz:466:1-60177)

munum & horæ legantur siue cantentur
distinctè cum debita attētionē, reue-
rentia, & affectu, cōgruo loco & tem-
pore, sine aliorum impertinentium-
que verborum admixtione, sine con-
fabulatione, & risu dissolutione.

*De vanitate mundi & exemplari in-
ductione ad hoc secundum Hu-
gonem. Art. XXXI.*

Eccle. 1.



Vanitas vanitatum, dixit Ec-
clesiastes. Vanitas vanita-
tum & omnia vanitas. Vidi
cuncta quæsiunt sub sole, &
ecce vniuersa vanitas & afflictio spi-
ritus. Ad intelligendam mundana
prosperitatis vanitatem, exempla
Hugonis inducam. Dic ergo mihi
quid vides? Video prosperè nauigan-
tes, quibus arrident tranquillitas ma-
ris, serenitas aeris, flatus ventorum:
viros quoque in naui epulantes, dis-
currentes, & omni musicorum genere
iucundantes, in tantum vt aquis me-
lodia resultantibus, pisces vndique
que confluant, & iucundantibus læti-
am

Hugo.

DEFARCTA VIA SAL. 423

am augeant. Istud ergo videtur mihi magna ac desideranda felicitas. Sed noli nimis cito ferre sententiam. Imo dic mihi, quid vides post hæc? Video vndiq; nigrescere coelū & acri ventorū concursu nubes agitari, mare turbari, & intumescantibus fluctibus nauē cum nauigantibus mergi. Heu quid laudauī, heu breuem prosperitatem quanta calamitas est sequuta. Adhuc dic mihi, quid vides? Video mercatores preciosissima mercimonia secum in camelis & curribus deferrentes, maxima lucra sperantes, iucunde atque alacriter incedentes. Et videtur magna prosperitas. Quid vides post hæc? Video exercitum armatorum improuisè vno impetu super mercatores ruere, eosq; terrere, spoliare, fugare, occidere. Heu breuem latitiam, quanta sequuta est repentè miseria. Adhuc dic mihi quid vides? Video do- *LUC. 14.*
mū diuitis affluētē cunctis diuitijs, patrem familias gaudentem in filijs, familia copiosa, pecoribus multis, horreis plenis ac vniuersis delitijs. Et videtur magna felicitas. Quid vides in omnibus his? Nonne diues quanto plura possidet, tantam maiore sollicitudinem

424 D. DIONYS. CARTH,
tudinem habet? Et cum solus portet
solicitudinis pondus, alijs tamen ma-
gis quam sibi profunt, quæ cupide
quærit, vel auare reseruat. Timet ne
parta deficiant, timet violentias, po-
tentum, suspectam habet fidem fa-
miliarium. Adhuc dic mihi, quid vi-
des? Video nuptias celebrari, in qui-
bus magnus ornatus, splendidus ap-
paratus, grandis lætitia. Vt videtur
magnum bonum: quoniam videtur
sine iniuria pudicitiae, per eas genus
humanum conseruatur, & coniugati
vinculo dilectionis consociantur. Et
quare non aspicias mala quæ sequun-
tur? quam rara coniugatorum cõcor-
dia, quanta sollicitudo, quantus la-
bor in prolis educatione, in domus
dispensatione, quot suspicionum ac
dissentionum occasiones inter virum
& coniugem oriantur, quantus ti-
mor ne damnorum pericula insur-
gant, ne hostis inuadat? Adhuc dic
mihi, quid vides? Video scholas stu-
dentium, in quibus diuersi diuersis fa-
cultatibus siue scientijs sunt intenti.
Et videtur istud negotium cæteris el-
se iucundius, eo quod sapientiae va-
cent, Non satis perpendis. Hi enim
stulti

DE ARCTA VIA SAL. 425

stulti viatores qui sic in rerum creatu-
ram inquisitionibus occupantur: quod
Dei est & creatoris sui obliuiscuntur,
& quæ salutis sunt non operantur.
Vnde quod ipsi cæteris omnibus in-
feliciores sint, testatur eorum conuer-
satio: qua nihil neque inanius est ne-
que sterilius. Fine quoque eorum nil
infelicius esse potest, quoniam mori-
entes spem salutis non habent, qui vi-
uentes & sani per iter salutis incedere
neglexerunt. Vani ergo & omni pro-
fus fruge calsi sunt, qui timore
Dei postposito, ea omittunt quæ Deus
requirit ab eis, & sine quibus saluari
nequeunt, atque in his iugiter occu-
pantur, quæ Deus ab eis non exigit, &
quæ animarum salutem magis impe-
diunt quam iuuant. Nōne bona, pro-
speritatemque viæ præferunt bonis,
ac beatitudini patriæ, inherentes præ-
sentibus potius quam futuris? Ideo
sane reprobantur à Deo.

*Ex dictis sancti Bernardi de cleri-
cis. Articulus. XXXII.*

Quid est quod dilectus meus in *Hier. 11.*
domo mea fecit scelera multa? *Bernar.*
Bernar. Si ea intentione gra-
dus